



Sa suđenja Živku Budimiru i ostalima


Službenik SIPA-e: Pomilovanje Kulovca koštalo 40.000 KM

Cerkez: Nakon obavljene transakcije Barišić nazvao Budimira i rekao mu: „Predsjedniče, završeno je, bit će slatka“

Na jučerašnjem suđenju bivšem predsjedniku FBiH Živku Budimiru i ostalima u predmetima "nezakonita pomilovanja" svjedočio je istražitelj Državne agencije za istrage i zaštitu (SIPA) Sladenko Čerkez.

On je ispričao na koji način su u pomilovanju Admira Kulovca za novac učestvovali njegov brat Armin, koji je također optužen, te optuženi Saud Kulosman, Petar Barišić, kao i Budimir. Čerkez je istakao da je pomilovanje Kulovca koštalo 40.000 KM te da je ovaj posao išao preko Kulosmana i Barišića, koji je bio savjetnik tadašnjeg predsjednika FBiH.

Svjedok je naveo da su ove



Budmir: Optužen bivši predsjednik FBiH

nezakonitosti utvrđene u prisluškivanim telefonskim razgovorima i praćenjem, a u svemu su učestvovala i druge

osobe, koje su kontaktirale s Budimirom. Čerkez je, odgovarajući na pitanja tužioca Sanina Bogunića, detaljno ispričao kako je uplaćen avans za pomilovanje Kulovca, što je dogovarano u dvije sarajevske kafane, a realizirano u Mostaru.

Između ostalog, potvrdio je da je nakon obavljene transakcije Barišić nazvao Budimira i rekao mu: „Predsjedniče, završeno je, bit će slatka“.

Obrana optuženih je pokušala dovesti u pitanje kredibilitet informanta SIPA-e, od kojeg je cijela akcija i počela, ali sutkinja Merima Kurtović-Bilić to nije dopustila.

A. Du.